

摛藻堂四庫全書薈要

集部

欽定四庫全書畧要卷一萬三千四百十一

集部

御製詩二集卷八十四

古今體九十首己卯二

新春玉泉山

甘雪時晴瑞旭暾玉泉咫尺賞山園溪田凍解生新水
老樹春回護野村隔歲亭臺渾絕勝一時景物又堪論
棣通憑攬非無意奉若乾行勵體元

麗矚軒得句

翠微積素未成泥濟勝端因攬勝躋已覺發生動機括
且從澹泊識端倪幾方溪町銀鋪遍一燈雲峰玉染低
行樂新年真不負持盈益勵詠鳬鶩

松飾巖

屋倚層巖巖飾松童童常慕翠陰濃下風問道吾景仰
每企軒轅此處逢

題叢雲室

常是叢雲處偶逢霽雪來尋蹊猶滌滌俯歎總皚皚墀

暖欣餘蘚林寒訝放梅高明佳若此祇許片時陪

內朗室

洞房通窈窕十笏不為廣納景乃無盡外明由內朗璧
之方寸心順應涵萬象羲經啟秘源漆園出竒想同歸
而殊途吾且事存養

閨風齋

界是秋金界堂真白玉堂朶芝三秀色黛柏萬年芳底
用庚申守還疑造物藏依稀淳園侶來往五雲鄉

戲題張宗蒼松陰清話圖

宗蒼供奉內廷日選璧令圖不解珍今率裝池更題句
從來當面失其人

哈薩克汗阿布賚之姪俄羅斯蘇爾統及其陪臣
來朝詩以紀事

貢徵曾弗責包茅厚往頻來不藉教命彼近親亦台吉
獻其方物乃蒲梢皇輿豈必論疆界廣運何妨示與胞
偶值咸賓殷保泰乾元切體九三爻

填倉日命哈薩克人觀燈火

委羽來經五月程上元盛典值都城得教餅節觀燈火
為示懷柔洽衆情

陪臣數已較前多更見親支遣洛那

俄羅斯蘇爾統為阿布資汗之姪在

其台吉中分最親因專遣朝覲

來人多則賞物多外夷見小習氣皆然

邀賞慢須惜繁費古來服遠幾經麼

化城蜃閣無邊幻翠火明燈依舊新亦有花翎曾至者

解稱兩度沐恩人

陪臣內有伯克訥者前年入覲得賜龍章之錫今再至即戴所賜花翎意

榮侶伴

虹光百道燭層霄信有龍門婪尾燒漫誚重儕增頓置
上元屈指纔去聲旬朝

題王元逢芳杏叢蘭即用其韻

絳雲低紫箭靜態惹真香董林將屈畹雅合引同堂

填倉日漫題

三百有六旬四時週歲排日不可無問節誰所置今
朝曰填倉我實嘉辭義耕九要餘三農政伊古貴但思

際累洽戶口滋千億
日食且不敷安得餘而積譬如
應獲十與六收其四曰非奪汝物代汝不足備匪愛其
實害言蓄何以異

含經堂古榦梅歌

菀枯消息真無窮女夷巧會偷天工誰謂死灰槁木質
却有生意含其中朶雲一盆槎枒倚數英忽綻昌條綺
常見畫圖方朔翁臞骨稜稜簪玉蕊烟雨樓前閱歲華
辛未南巡自烟雨樓攜來者攜來書室陪清嘉含經味道藉遠俗紛

桃綠李紛如麻春來依舊冰雪姿浙雲燕月夫豈知驛
致偶寄一時興劉勰之言有所思

靜嘉軒

冰鏡是玻瓈雪融小逕泥濘襟延款款翰席樂折折近
牖梅舒萼沿隄柳放葉靜嘉含妙處今日識端倪

琴清齋

高齋枕碧川琴清名有年徒觀澄止水未聽鳴響泉却
訝淵明室別體蓄無絃

題抱清樓

詰逕曲廊覆居然得小樓託高因見下致朗本從幽月
與冰疏約雲凝畫舫浮偷閒消片刻翰墨恣優遊

王翬山園佳趣

仙館洞房綠蔭稠隔溪書屋更清幽高人挈杖閒來往
流水行雲意不留

御園賜宴哈薩克蘇爾統俄羅斯等即席得句

北紓向化至蒸蒸懷遠應施慶賜仍親族况來蘇爾統

哈薩克汗族而為首領者則稱蘇爾統蓋如準噶爾台吉之類關河遙別客斯騰哈薩克阿卜爾嘛密特所居城名也玉花尚積嶺山雪火樹剛收太乙燈典盛漢家歌天馬持盈惟益勵兢兢

勤遠寧同道出驥畏懷幸致望風降傳觴何必稱瑤水命舞還教出帝江眩耀口騰明吐火倒投跟絳戲緣撞奉時行慶非誇富錫命惟三協萬邦

湛清華軒

築牆所戒雕結宇惟期樸翳然水木佳俯仰興堪托去

情希得神忘筌有真樂三復謝家詩清風穆如邈

鏡瀾榭

階俯琳池鏡一泓妍媸惟待物來呈莫嫌冰渚波瀾少
拭雪菱花越樣明

賦得漱芳潤

時雨聖門化心源學海通既因傾瀝液庶得契鴻濛座擁
琳瑯府神遊翰墨叢張公辭善頌陸氏義彌崇晰理誠無
教研精轉不窮若論親切句恒在典謨中

題趙原山水

飛湍千丈落迴溪
松下誅茅水閣低
兩個幽人對商榷
不疏乞定擬因提

射八韻

有序

紫籞韶昌九品正資宣
對黃間春永四侯爰肄幾
閒當御耦之催班更宛人之入侍既倫才而授位
三五聯行喜芳燥而手柔疊雙呼雋前者蓄王負
鵠曾陪靈囿三驅今焉屬國奉琛復覩和門九節

念茲觀德為國朝所素嫺雖值率賓敢

家法之稍懈非誇獨擅略示大端

園門曰出入賢良

正大光明殿前正門
皇考御額也

理事恒茲引對

數多士惟殷斯籲俊遠夷兼值彼來王綠籤器使掄庶

位辟角親彎試廣場志正體平力奚主執專藝熟中

去聲

還常是日發二十矢中十八末一矢正中五層之中示之所尚傾心服命以

同為到手忙

時命哈薩克能射者均得預列及彀弓注矢動不成節蓋外夷或有習弓矢者然較

之滿洲索倫相去不啻逕庭矣詎止朝儀浹宴樂要令

平廟略龍言張皇

外夷惟知重武宴會百戲彼雖樂觀終不若示以射獵
彼乃誠心悅服不敢輕視中國故朕每於此亟亟焉

恬文嬉武夙為戒

祖制

天麻敢不費珥筆儒臣從紀盛自予

家法奉無疆

仲春玉泉山

泉水永不凍春山雪欲消花情雖待候柳意已含韶境
謐俗常遠神怡理自超斯之未能信詎可事逍遙

偶題靜益書屋

春仲文華逮典學義經易簡預研摩

時講官請命經筵題易經用易簡而

天下之理得矣先期著論闡示大義

靜專靜翕乾坤撰吾亦於斯受益多

練影堂

石渚當前瀑掛旁隨宜擇向構書堂鴦飛魚躍天機錦
秋月春風大塊章何必波瀾稱水態一般皎潔是冰光
雖然練影斯須待練意原恒箇裏藏

涵漪齋

東湖不凍西湖凍為遠靈源體物知泉在山東相隔遠
湖故水常薄率隔山屏訝殊候每憑冰鑑想涵漪水無情尚資津逮行果為還戒後期一晌擣詞得清會谷神擬問

起予誰

賦得挹清芬

樸室花宮側洞房虛且深是為藏宛委轉可謝登臨座有琴書潤窓無松竹音偶來成小坐諸慮靜愔愔

翠雲堂古括行

堂陰古栝雙參天輪囷間砌虬龍騫春風秋月謾謾然
伯墳仲窯夷齊肩少言歷世八百年金顛明躡紛雲烟
堂構或易根不遷木中信有劫外仙似常無言示真詮
殷鑒在此尚慎旃

自玉河放舟至石舫

靈泉不凍瀉長川麗日欣開順水船桂棹蘭槳初耐可
隄楊溪藻已懷鮮

水態山光意相入投載陽天氣惠風柔恰從耕織圖邊

過一歲農桑自此籌

畫舫輕移石舫近玉河迴望玉泉遙分疏名實誰賓主
畢竟同歸天一寥

樂壽堂

山水知仁德知樂仁者壽滄池鏡呈前層峰屏峙後是
為合撰處循名實誠副叶於堂斯已當去聲於德我何有
所以抱歎多常恐相孤負

觀生意軒

芽紐甄陶造物模柳舒花放且斯須却從醞釀觀生意
大塊文章已詔吾

鑑遠堂

謂目所尚明曾聞冕旒蔽謂目弗尚明重華慎何事絜
矩有神權大公具精義苟惟察察勤應有憧憧致因臨
鑑遠堂即景書吾意

蘊古室口號

樸屋三間蘊古真偶觀題額想前人雖然大寶箴成誦

可得無慚彼所陳

題清可軒

新春足餘閒遊山消四刻攀躋衆已勞岩軒於以息奚
藉春物芳愛茲太古色譬如靈圉流千歲而常澤屬詠
此恒多滿屋壁待泐

文徵明觀瀑圖即用其韻

淜滂振驚落烟空遙對人如太白風回問停雲夢醒未

見徵明詩天台只在浙江東

二月四日還宮齋戒過御河橋即景得句

將臨吉戊舉

春祈遷坐彤庭慎勅幾詎謂青郊增景象都緣瑞雪屢
零霏雖遲舉趾殷農切每以齋心識道微北寺南臺縱
多勝敢遑嬉賞式遄歸

即事

通安亦復遠懷柔晴雨還聞協九州捷盼西師榮寤寐
不知歡喜祇知愁

仲春祭

社稷壇

午門西轉繚垣通吉戌

春祈凜必躬五土封壇尊

社稷兩珪有邸致欽崇樂宣太簇調元律

惠遍三農贊化工更冀

鴻庥錫保定獻俘墮外報成功

仲春瀛臺

右壇祭罷待經筵餘暇仙壺一覽便冰脆無人步太液
柳柔有鳥織輕烟愛觀生意方陶矣雅勝韶華特熾然
隨處清供成小憩悅心惟是手芸編

日知閣

閣據飛淙表

是處為太液尾閣
名皇祖所題

璇題號日知機參賢者語情見

聖人辭既凜無忘義又如默識時曩予成蓄說自審每

慚斯

賓竹室

風颯與烟凝相看總絕勝高低均致遠疎密自分層翰
墨延嘉客松梅結古朋琅玕成實後惟待下金鵬

芸齋

古芸翻馥小窓明研淨甌閒道趣生曾是少年績學處
祗慚兩字曰躬行

春及軒

山複水之涯苔蘚柳已絲熙春及節句觸目會心時念

彼西疇事厪吾東作思英英常薈蔚膏雨願如期

題寶月樓

南岸嫌長因構樓樓臨直北望瀛洲

瀛臺皆前明所建惟南岸向無殿宇

故為樓以配之

一泓水鏡呈當面滿魄冰輪暎舉頭金掌夜盤

流沆瀣玉街晨珮響琳球

樓臨皇城俯視可見長安門朝騎

康家佳句誰能繼處上常殷保泰謀

趙伯駒漢宮圖

劉郎七夕集靈臺阿母青鸞送信來金馬是誰得陪乘

獨稱方朔善諧詁

仲春經筵

講學文華例仲春經書次第几端陳夫乾易矣夫坤簡成物知焉成己仁是日經筵書題成己仁也成物知紬也經題易簡而天下之理得矣繹從知位中理贊參惟仰至誠神漫言故事循禮典修

業輝光勉日新

仲春鏡清齋得句

邇日春雲屢作陰經筵適罷偶遊臨知仁山水樂非獨

易簡乾坤趣可尋

用是日所
講經書義

五點三點雪飛采一聲兩

聲雁送音當前澄照涵猜理察察為明戒在心

畫舫齋

松棟俯琳塘如維青雀航風荷呈靜影烟樹入晴光圖
畫參生動詩書閱古芳憑窓成小憩興寄米襄陽

賦得小玲瓏

洞房通窈窕虛牖納嶙峋於小偏得趣惟清不受塵光
含月滌滌質擬玉璘璘暮遇蘇公買仇池可結鄰

輿曠室

月廊通曲輿雲牖含虛曠得槩既不一會趣亦殊狀清
音憑暗泉靜寄對竒嶂位置信遠俗俯仰堪生暢而何
每慊然未敢吾心放

古柯庭

庭宇老槐下因之名古柯若尋嘉樹傳當去聲賦角弓歌

閱歲六百久成陰數畝多底須向王粲工拙較如何

姚綬樹石小景

墨戲渾同書擘窠槎枒高出小嵯峨試思掛壁宜何處

書屋新成號古柯

西直門外

紫禁平明命六駒御園返蹕侍

慈娛居諸屈指纔成五景物青郊頓爾殊

菜疇麥隴接蒼林草甲從觀生物心已喜土膏方脈動
好雲又復作春陰

御園雪泛

溶溶新水恰勝舟過午澄瀛小泛遊邇日春雲晴不放掠空雨聲雪乍浮浮

柳梯重冠玉盤鬟前鳩舟通景試探幾曲煙隄濛濕潤
評同清絕錦涇南

畫是維摩著色圖鏤冰曾詎費工夫非關訪戴浮烟舫
境與山陰却不然

土膏喜助潤方達苻甲虞傷冷太過北地雖然此常有
需霑濡耳不需多

雪後

雪後嶧夷出暖曖潤融何異雨知時午間小立南榮下
喜見青青春草滋

夕佳書屋

得勝雖各殊稱心斯為快豈必在深谷假山有清會依
依含夕陽氣佳屏一帶屋名取陶詩寓意夫何害既興
高賢慕亦切叔世戒

藏密樓

屋裏通雲磴簷頭出月軒往來悅神智闔闢具乾坤真
得壺中趣堪忘象外言俯憑千頃碧是我洗心源

題朱汝琳草蟲卷

蠅蠅翊翊各通靈蠕動肖翹畢肖形誰辨方言及爾雅
無過久竹與青寧飲惟清露瀼金井怕是秋風嫋洞庭
卵濕化生一合相恰都來聽法王經

我師

我師萬里外馬力實難繼况深入賊巢主客勢誠異以

此被所圍固守鼓衆氣豈忍罪輕進惟獎勤王事

上年十月

十三日之役將軍兆惠直薄葉爾奇木城僅以四百餘人衝勦賊衆二萬餘又道遠馬乏猝有挫衄然深溝高壘悉力持守賊不敢犯其果銳沈毅有大過人者若輒以倅試為嘗議將徒快懦夫首鼠之論何以勵將集事是以屢詔褒勉而再三督援師速進以接濟亦不待督趣諸軍刻日赴援責敵愾人同勵

參贊尚書舒赫德於阿克蘇先簡駐城銳卒並督諸路兵先至者星馳往營而將軍伯富德等所統滿洲索倫察哈爾及綠旗營兵取道雲集參贊公阿里襄以次解馬濟師一時軍聲士氣益振

上居諸兵應臨彼地爭勝在俯仰所關信非細中夜不安寢亟盼佳音至忽傳驛致章秉燭披衣

視叶鑾戰五日夜斬將搴旗幟副將軍富德參贊及軍

士叶同心成巨功殲賊數千騎

富德報至稱本年正月
初六日統兵行至呼爾

滿地方遇賊騎五千麾衆夾擊轉戰五日四夜會參贊
阿里袞督解馬匹亦至分翼斫陣賊衆創潰殺賊千餘

人餘悉負傷敗竄而逆酋大和卓木脇中
鎗傷賊衆弃之入城且潛回哈什哈爾矣已近將軍營

通信卒遣四

時將軍兆惠營中聞鎗礮聲知援兵已至
乃勵兵邀戰將賊營焚燬數處且陣殺千

餘人生擒五十餘人獲器械無算並遣索倫回
兵各二人自軍門持牘相聞富德因附以入奏頑狃百

計攻官軍一意備以此歷三月無恙皆寧謐

叶舒赫德先是

兆惠檄取援兵劄云營中有餘糧可支二三月為堅壁
計自後廻首或用雲梯或用決水皆為我兵先覺應手

破之而營中繕備益嚴故固守雖逾時而人皆有相
固志至是馳報自將軍下逮介士並整暇如故云相商
夾擊策一舉期功遂四月寤寐勞心朝始慶慰殷心念
衆勞額手感

天賜佇待捷音馳國威遠被

仲春瀛臺

將視朝儀又進宮趨臺路便喜舟通土蒸香潤雪消後
水漾波新風暢中弄眼柳纔幾絲綠含胎桃未十分紅
欣觀物物皆生意保合太和總化工

春耦齋

卷之十七

綠竹叢中詰徑幽
綺窓玉砌俯澄流
每因耕禮于時憩
試問農人得此不寶
穡綏豐真勝賞墨林
契要亦優遊齋雖老屋
額新署妙蹟緣收十五牛

唐韓滉五牛圖真蹟項聖謨蔣廷錫

俱有臨本並貯齋中

靜柯室

書室蕭然號靜柯
喬枝窗外自婆娑
葛思庾信方點筆

興寄東陽得幾多

太液池泛舟

新漲輕黃酒似鵝蘭舟太液漾晴和波間藻葉冰融展
隄外楊絲日暖施景美真如天上坐花遲詎擬霧中過
棹謳不用黃頭發鳬雁皆能水調歌

題鄒一桂芙蓉雙鶯

秋草秋花照碧漪雪鋤顧影髮珍絲別開生面原恒語
可矣曾聞曰再斯畫鷺者率取三思之義故云

長河泛舟至樂善園小憩

春水溶溶際春烟澹澹時蘭舟堪進矣渚苑偶臨之嫩
綠迴蕪毬輕黃上柳絲生機體元善樂亦每於斯

蘊真堂

藩邸園亭頽廢久

是處本康親王舊園也

略加葺築便如新古柯

曾不煩修飾茈虎槎枒總蘊真

鸞舉軒

何必方蓬海上尋林泉咫尺有清音淮南詎似東平好
鸞舉無妨寄傲心

含清齋

何處春來好春來山水知畫屏纔染黛明鏡又涵漪育
物有餘樂對時無射思問誰工寫妙記得謝家詩

舟過萬壽寺未入

咫尺花宮謝眺登輕舟便偶不尋僧風旛初地鎮標偈
松竹假山自作朋寺中假山松竹皆百年以上物也乾惕何能覓常樂

慈悲亦豈異哀矜退堂開士懷鄉去了識未臻無退乘

寺僧明乾隆正年間法會賜紫沙門也昨歲以老病懷鄉乞歸故戲及之

繡漪橋

進舫長河過廣源

闡石橋飲練鎖溪園

過橋即昆明湖
直接萬壽山

風漪春水文章麗神繡應成天女孫

鳳凰墩

湖心聳層構來往駐橈宜樓閣

肖皇甫是處室宇乃規
寫無錫皇甫墩

也畫圖傳虎兒春烟方淡蕩新水正漣漪大似梁溪上

維舟索句時

無盡意軒

問景聊乘片刻閒意行無盡是溪山若論所樂不存此
惟在民生國計間

昆明湖上作

烟宮取便試停橈仲月風光漸鬯韶松竹依然三曲徑
柳桃改觀聲去六條橋簾掀晴旭寒回避窓入漪瀾影蕩
搖一例林丞司筦籥往焉慚愧是芻蕘

清琴峽

石是孤桐泉七絲春溫正應大絃時高山流水常成操

宣必知音待子期

題張宗蒼畫

宗蒼雖物故畫自有精神逢著便題句笑今始解珍書
齋真是古繡嶂恰方春略有箇聲度應來問字人

聞山東河南得雪詩以誌意

齊豫客冬旱南顧久紫切新春雖報霑未優敢即悅昨
來重飛霑寸餘積玉屑膏潤接脈起過多恐寒烈更復
懸遠望均被可及節連披方伯章兩首同逢雪盈尺歌

既渥正資蘇土澤並稱春始仲無慮傷荷甲窟然此則
微仍惹愁農渴

夜雪

二月十
八日

遠處優霑歷近微中宵忽報細霧霏澤誠繼曩利欣溥
凍不傷萌害應去聲稀積砌成圭增旋旋飄空散蕊想飛
飛朝來融潤香生土玉染遙峯一抹巍

圍解八韻

圍解萬里遠懷綺午夜頻

客冬將軍兆惠等薄賊城堅壁固守三閱月趣調援師時

紫宵時至是始得正月十四日官兵勦賊解嚴兩軍會合之信

將軍誠善守

天意本先仁少挫終能勝知難在審因勞哉惟衆士子曰有良臣更議擣虛策相籌應變神

逆猶大和卓木已遁回哈什哈爾危

城勢同孤注惟慮小和卓木乘隙潛突

豫籌於各路偵備以防鋌險

免營終詎脫獲屈乃

求伸

時軍中方議乘勝進取因念士卒久勞且兵餉在道正宜少休養銳勅於附近城中駐營以需繼進

重賞斯寧咨明征要必申舞干雖美事何以謝軍人

猶酋

反噬稔惡傷我官兵非脅從比恆怯無識之徒或議解圍却賊可以罷兵匪直無以申國威且何由潔士怒耶

山桃花開

去歲花開先

去聲

花朝今歲花開花朝後由來花朝是的

期

二月十五日

花開須待番風受逼閏因教節令遲芳胎寒

勒夫何疑造物於物無定物不齊之齊乃大齊輕雲淡

靄韶光好一枝初見真窈窕東皇莞籥有神權榮遲謝

亦可免早

王紱山亭文會

峯若抽簪瀑解紳棲遲于野會同人呼之欲出辭榮侶
占斷梁溪萬古春



御製詩二集卷八十四

總校官庶吉士臣侍朝
校對官中書臣馮培

謄錄監生臣張耀臺

欽定四庫全書叢書要

集部

御製詩二集卷八十五



詳校官原任編修臣徐立綱

集部

欽定四庫全書
畧要卷一萬三千四百十二

御製詩二集卷八十五

古今體八十三首

己卯三

夜雨

二月二
十三日

濃陰入夕雨聲稠漸喜巡檐砌水流未至望恩已被澤
敢圖後樂祇先憂問知潤地深三寸數聲上到殘更第五
籌詰旦同雲猶不散微寒釀作六花浮

曉雪

曉寒凝雪舞長空
融地原如落雨同
綴樹冰花留片刻
訝看梅蕊綻東風

雨後御園閒泛

雨後園林潤意含
溪山幾曲似江南
好春景得未曾有
幾暇烟舟試一探

云未曾經有亦曾去年春雨也頻仍夏初原是愁希澤
北方例望春雨今茲甘澍致為霑渥然客春得
雨故優而初夏仍不免望澤愁農無已時也
惟倍凜兢

凜兢遑敢事遊盤况復官軍未解筆何日廻首雙繫頸
時和兵偃始心寬

峭蒨居

雨後晴和碧蘚滋破顏桃柔笑巖寄今年二月停行蹕
欲閱園庭春所宜

琢雪丁

漱水行石巖亦藉自然勢乃知非天成人力艱位置刻
削峭蒨間漱瀲湍流墜雪色與雪聲憑窓納佳致追琢

詎人工易簡原物備六花誰剪裁害不視此義

賦得溪月松風

松下溪邊三架宜

奎章四字揭簷楣

扁額乃
皇考御書也

每從弄月吟風際常切

望雲就日思陶冶性靈非獨樂推遷歲月有餘悲升堂
未易窺

神旨道筦天倪蘊莫遺

題韻松齋

翠陰謾謾響頻興清韻能令萬慮激貞白雖然留故事

高樓未擬建三層

愛山樓

因迴為高易依山得閣清所欣此樸斲奚事彼雕甍泐
峻窓中納岬嶧砌下平每懷仁者樂益切體元情

倪瓚梧竹秀石

梧如過雨竹搖風石丈相依氣味同四百年來傳墨戲

展觀濕潤鎮濛濛

降旨加賑甘省被災州縣詩以紀事

甘涼為西陲轉餉孔道土瘠而風醇其民受直執
公旬惟謹給復蠲逋之詔歲既數下其偏隅以薄
祲告者廩餼優卹訖於夏五顧念時未登秋節方
屆閏心有慙焉申命貸之牛種仍予展賑三月庶
幾綏我蒼赤資彼青黃即事攢懷以當咨牧

涼肅窮邊未鮮逢溫飽家何當運餉苦更抱被災嗟討
逆非容已思艱詎有涯豁征明歲預繼賑到秋賒不窘

寧無窘雖加可再加所希歌載戢萬戶樂休嘉

賜芻一桂

懷鄉念率老年紫弗許翻嫌不近情一晌陞辭雙淚下
原猶戀闕可憐生

簪纓歸里榮依舊花鳥怡情樂正賒吳下詩人應好在
謂沈德潛白頭相聚話烟霞

詠周鸞刀

千年出土物一握有鈴刀在禮崇修古於詩詠啟毛銛

鋒久藏用素質自無撓俎豆肆將後曾綏介福叨

夕雨

二月二十八日

夕雨為寒飛片霽剛欣旋怕聽風聲明知澤潤晴無礙
未免猶稱可惜生

題趙孟堅水仙二首

琢玉相金態出塵絕代仙王孫如解珮合是洛川邊
雪裏目盈潤風前鼻過翻漫嗟工刻削無縫本天衣

油菜

紫光閣前油菜青
御河橋下春水渟
邇日春膏實慶幸

一夜風顛意不寧

望瀛臺未至

執豕修宮祀

舊制祭
月朔日則謂之大祀益敬謹將事

神於坤寧宮三月九

儲牛逮

藉田

以三月初七日耕籍

必躬伊古訓清蹕以時旋帶水盈盈隔

凝雲漠漠連三壺
疑在即宛似望瀛仙

述懷

勤遠非本意乘時賴

天佑子曰有禦侮子曰有奔走準夷永蕩平敢謂武德
茂貢緣討逆獨戰勝頻捷奏重賞實未惜神勇亦屢邁
逼巢堅城下強弩致逗遛羽檄繼進軍重圍急援救夾
攻士氣張况當疊破冠肉薄豈不易傷衆子心疚以此
合稍戢齊力圖其後惟是閱時久待秋乃功就枕戈衆
效忠擊鼓吾哀鬪焦勞分所當萬方均在宥厪彼此詎
忘惕乾惟益懋

上已日悅心殿

終風三日息春氣轉淑和從來稱上已便以臨瓊華朶
殿冠嶽寄下視萬民家載舟每凜予流盃底襲他過雨
柳絲青山桃欲綻花目前縱澤潤此後知如何悅心詎
易言惟覺憂懷多

看畫廊口號

佳處真延視聽娛蜃窓攬景坐斯須亦無絲竹非觴詠
漫認蘭亭修禊圖

雲岫丁

坐來怪底濕衣襟却見英英出碧岑一縷欲飛何處去

定知瓊島作春陰

是處近白塔山永安寺
舊傳所謂瓊華島也

題畫舫齋

畫舫乘來畫舫齋是同是異費安排虛舟若悟南華旨
所遇欣之總大佳

賦得濠濮間

峭蒨青葱表澄漪綺碧潯聊因構樸屋詎欲擬華林俯
仰得天趣冲融散遠襟生機含水石靜度逮魚禽信矣

堪明志于焉亦會心六朝非所企渭上倘容尋

鏡清齋

池上構齋虛池光漾綺疏詎將形示物每以鑑開予照
膽何須爾澄懷祇淡如設誠因水喻亦欲戒無魚

王紱古木竹石

骨立稜稜如古德角穿戟戟是龍孫請看枯淡蕭騷處
爾許生機箇裏存

豐澤園演耕

歲舉何須習由來為重農

聖人家法示吉亥

祭期逢雖弄田惟敬不衡畝自從所希膏澤溥寰寓兆

崇墉

春耦齋漫題

習耕罷偶憩閒齋鉤砌紗疏清且佳念到茅簷力作者
多慚愧那更紓懷

詠液池鳧雁

匪因慕稻梁亦弗慮矰繳禽中大隱乎液池寄所託
解二

鍛翮鶴立岸垂涎鳧雁樂造物本無私於何殊厚薄
烟波任翹翔何異衡湘若設為子路拱三嗅應必作
解三

澄懷堂

書堂構豐澤七十有餘年佳境春光駐

聖人寶額懸

堂額

皇祖御筆也

席珍常接引

康熙初年儒臣率於此進

講義府足周旋詎止羨牆慕紹聞勵勉旃

香宸殿

環瀛南面據崇基建置猶傳勝國貽金界樓臺思訓畫
碧城鸞鶴義山詩出庭祇合三珠樹漾牖宛同百子池
未及澄懷淳樸也每因閱古率評時

千尺雪

寒山憶昔曾題句臨瀑三間教仿為清暇偶來參耳觀
原同聽雪閣聽時

五君子歌再疊舊韻題錢維城畫

一桂花卉本專家進於山水參真性維城山水已擅場

俾兼花卉詎奚病要之涉筆總末事貴乎得神聊適興

五君子圖叛衡翁風人寓意傳毛鄭張初

初仿此圖若
靄實首被命

見舊集鄒繼一桂亦有此疊韻題之今則錢藝苑聯芳叔仲孟譬若

竹林詠五君山王被斥識果正貞

松虛竹蒼柏信梅及

幽芳水仙人如此寧不明政

詠宋時白玉桃盃三首

瑤池桃式峩山琳泛索宣餘御酒斟共醉浣溪亭上月

風霜五國那繁心

解遺鉤絲翻種禍他人獻盞識忠臣

事見元史
伯顏傳腹心奚

待案無驗貝錦由來詠寺人

典守中人久弃存明明考據見江村

錦匣識語高士
奇書蓋彼所進荆

凡總屬雲烟幻笑我無端此綴言

耕藉日祭

先農壇

有事祈

神佑無非仰

帝臨方壇修

必祀姑洗協元音農務將興候身先要必欽况曾艱臘

雪益切望春霖三獻遵伊古四推匪自今

四推之禮始
皇考

率成典制黃雲落土雨蹑踏端彌深

題范子岷牧牛圖

卷後跋者用禪語而不精故亦以禪語題之

或曳耕犁或散閒陶家寓意不言間若論本分相應句
辨見終須悟八還

菽食繒衣底用渠軟沙嫩草綠陰餘君家水牯猶勤牧
格五雙童樂莫如

清明日拜謁

安佑宮

昨歲

壽皇思莫窮今年寒食御園中親支率領謁

安佑駒影推遷信幻空已覺烟含隄柳綠誰憐風妬鳩

桃紅東西瞻眺

二陵邈不隔精誠一念通

五福堂六韻

春光酣百六景物逗吟憑園內此堂古

祖恩

皇考承

堂名
祖所賜也

皇翹心思好德

聖意示含弘竹埭琳瑯瑣峙蘭池綺縠激對時常契會肯
構敢云能斂錫遵

前訓欽哉勗繼繩

得全閣

高樓碧沼渭萬景攬無遺水面風來際天心月到時文
章假大塊圖畫得神姿益贊通為政吾猶戒在茲

雲竇

假山本人工頗有天然致一例巒崿間亦復蔚縵飄靜
室據其巔與雲為幻戲設擬蕉茅空未悟棗葉細

小石林

石林精舍構田盤亦有虛齋納翠巒何事須彌名曰小

可知芥子較寬

玉蘭堂二首用蟬聯韻體

辦想宣毫玉想神書堂應付草元人偶來恰值花開候
仍是去年此際春

票陸以來批判春花中南史屬斯人勝他梔蠟其言者
牛鬼蛇神嚇鬼神

御園漫題

西抹東塗亦有年御園詩債轉忘旃徒因欣矣其所遇

率竟失之於目前

通年來遊歷

輒成數什

而日日居御園中其

萬壽山靜明園偶一

作反少故及之

詎我歡新猶芥蒂問誰溫故與周旋進斯惟
是忘言好底事南華更著編

風

燈宵歷歷鳴條無率欣巧避烟花敷爾時雖樂念別紆
得非蓄勢有待乎春之德風寧容缺來徐或不致決裂
冷冷習習一散之動搖亦足助甲拆仲月倏過三月臨
展轉已切望春霖顛風乃日鼓其怒竅雲雨去土愁予

心愁予心何時已土囊堦踝蓬起一屈一信早則明
其理先期每懷憂處順未敢喜吁嗟風乎曷少止

詠貝葉經六韻

貝多羅葉玉刀裁

读作瓦

字真經萬德賅妙覺人天開

象教阿含滿半出峰臺詎曾白馬裝駄至的是祥雲擁

護來西土高僧纔畧識

今之喇嘛所識者乃嗇字經若天竺大梵雖博學高僧不能全

識也波旬外道早全推金繩什嚴守惟甲寶笈懿珍音亦

雷寂靜法輪無盡義情無情共演根荄

王紱林泉道古

水軒對坐椎尊盡貌古神全道以腴却笑兩賢千載下

消聲價祇百青蚨

卷中張照識云以二百文錢購得故戲及之

賦得為君難六韻

圓明園勤政殿後楹

奎題高揭蓋我

皇考取魯論為君難語

御書箴座者也由一言興道之幾見千聖傳心之要於

以對揚

榦訓默契

清衷視子玉銘系有恒蘊古篇呈大寶瞪乎後矣其奚足云爰憑乙夜書紳敬藉五言綴簡

宣尼著明訓曾未試躬行

身體惟

皇考

手書示後生絕勝銘几杖詎止見牆羹辭約義駁富思

艱圖易亨勅幾所無逸保泰凜持盈三字垂

家法萬年奉永清

飛雲軒

高軒疎朗似飛雲無意書題著桂芬却幾烟花悅曾我
祇饒宵旰惕為君即今正厭終風盛鎮日空愁散靄紛
雲爾飛來慢飛去悶增劇欲易其文

含韻齋口號

砌下玉蘭都鬯開鏤銀窣堵白皚皚恰宜齋額額含韻

畫格詩情此字該

存素齋

方塘階下即滄浪
簾捲疑垂一桁湘
設使了知繪事後
便當直號起予商

桃花春一溪

水裔桃之華灼灼恰似琳池浸霞脚東風慣與作參商
祇見其憂那見樂落英繽紛如印泥宛轉桃花春一溪
高樓溪上契妙悟空色色空

軒篆題詎必武陵無雜樹漫擬江南淮口渡烟花世界
幻三千到此微塵無用處忘物之極同物悲

調御神權誰則窺我惟仔肩凜佛時好春花事非我知
每見蓬蓬風善妬不惜花零惜雲去

影山樓

瀟灑山樓號影山每來消得片時間難拈七字徵名象
為聲去在虛無縹緲間

河南山東巡撫各報得雨詩以誌事

仲月霏靄零潤未一犁暨清明乃大風其占雨艱致邇
來日蓬蓬落土騰陰翳憂心慮三農問夜誰能寐曩者
密雲興望勞幾點墜何幸即此陰釀澤齊鄭地齊鄭亦
我民况以麥為歲兩處各騰章三寸均霑被思遙顧手
慶撫近顰眉惴慶不抵惴苦誠慰以為愧

詠木鉢

擁腫乖繩墨誰施月斧修居然五石瓠那數一株榴虛
滿皆如願色空莫可求堪因遺閹士渡海不驚鷗

題鄒一桂聯芳譜即用其韻

九英梅 三妙杏

紅白雖殊風度近
英還稱九妙惟三最
宜軟節初過了
一例知春枝是南

丁香 細帶

紺紫施金又一時
昌昌得意向陽枝
那知鄒浩春遊倦

清夢何曾到玉墀

鄒浩有詩云施金曳繡倦曉班何似布褐暖且寬

貼梗 垂絲

誰傳小字出花叢貼已青絲試信風綰得三郎情越膩
江梅祇合上陽東

碧桃 赤蘭

世間何事不浮雲桃白蘭紅且任紛欲識蘭桃真面目

華嚴香海徹聞熏

含笑 忘憂

拈來應示飲光傳微笑匪欣亦匪愁空色色空都置却
憂憂笑笑且隨流

金錢 木筆

阿堵牀頭堆任盈惟欣點筆擁書城笑他秉燭渾成俗
起早何妨破五更

金絲荷葉 鐵線蓮花

花亦漁溪葉亦田繡成絲線定鍼仙看來却擬詢毛鄭
知在國風第幾篇

洋茶 番菊

黃是書雲紅是霞殊方偏自有奇葩可知陸羽茶神宅

合近陶潛處士家

觀音柳 羅漢松

安名立字綠兮紅大士如如付至公聞思去聲脩圓權濟
物應真還覺未忘空

春羅 秋紗

簇黃纈絳不須裁織自女夷神杼來封十八姨善相妬
紗羅消得錦成堆

白茶蘂 紫躑躅

格態休嫌特不同春驄小步轡瓊瑤斟來鑿落銀為色
恰似聖賢時一中

蝴蝶 杜鵑

飛來花裏竟如花啼向霞邊豈異霞夢醒莊生猶几上
愁吟杜老鎮天涯

玉簪 金盞

閑掃裝成蟬鬢窩一枝斜掠不須多邊旁早有微醺者
那藉生紅酒面波

雞冠花 鳳尾草

草草花花各色形
莧枯無過閲
推蓂碓陽牛
後如相較
絳幘羞他立曉庭

火石榴 水木樨

亦肖臯塗亦號榴勝
饒真者占前頭
漫訾薄植原來小
杯水何妨芥子舟

僧簾菊 佛座蓮

神韻蓬蓬如遠春
是云合相是分身
一生行脚事已畢

坐證蓮華座上人

秋海棠 木芙蓉

北牆灑淚意偏慵寂寞寒江咽亂蛩點綴若無之二者
凜秋祗合喚窮冬

芊芊活 滴滴金

芊芊活潑正懷新滴滴金堆那慮貧買得十分春箇裏
却稱此外更無春

鹿葱 龍爪

白茅底用包野膚雲中見爪非凡鱗借一忽復瞻兩角
遊仙不是蓬蒿人

懷素蠟梅 楊妃山茶

雪裏春前都耐寒深黃淺絳鬪江干清涼繁艷分仙俗
繪出憑人著眼看

請

黑龍潭祈雨述事

憶昔雍正年

北郊頌

命代爾時常苦旱虔求隨

禮拜無能慰

宸衷致誠遑敢懈日日趨醮壇好景誰知愛每當大祭
臨進宮預齋戒

問此拈香不聲^平謹奏兩不廢是即

誨祈年一思感五內

其一

逮予登大寶何年弗望霖北方例春旱渺渺愁予心以

此舉

常雩籲恩仰

帝臨入夏得渥霑雖無救麥鍼大田常可冀懷略紓秋
深其二

去冬乏三白春雪纔畧霑是難俟夏至早覺愁弗堪常
年種已播今則待舉鎌時較昔益促心猶昔更慚亦知
瀆匪宜吾誰欺

靈潭其三

御製詩二集卷八十五

欽定四庫全書薈要卷一萬三千四百十三

集部

御製詩二集卷八十六

古今體七十八首 己卯四

雩祭齋居豐去歲韻

又逢齋宿一回思今日多慙是昔時豈似春膏霑去歲
正當雨澤嘆愆期綢繆預計穀其湧劑酌先商政所宜
時發京倉於五城分糶命司事者不拘穀數不限時日
俟價甚平乃已又先期籌運豫東麥十二萬石至京併
糶且勅運河水次不得以預備剥漕封禁商舶俾裕民食
黨得微誠通

帝鑒早施

恩霑沐甘滋

黑水行

喀喇烏蘇者唐言黑水同去年我軍薄廻穴強弩之末
難稱雄築壘黑水待圍解詎人力也

天幃幪明瑞馳驛踰月到

毅勇承恩公明瑞
后姪也命以副都統領兵行

孝賢皇

間為前鋒召回京間以被圍情狀自葉爾
奇木抵京路萬五千裏疾馳踰月而至

面詢其故悚

予衷蜂蟻張甄數無萬三千餘人守從容窖米濟軍軍

氣壯奚肯麥麴山鞠窮引水灌我我預備

逆猶導渠淹我營壘將軍

兆惠等預開溝引之入河且轉資其用

反資衆飲用益豐銃不中

去聲人中

營樹何至折骸薪材充著木銃鐵獲萬億

賊據高施銃
鉛九全集營

樹上我軍斫木為薪木中得鉛丸萬億即取以擊賊斃賊無算

翻以擊賊賊計窮先是

營內所穿井圍將解乃智其中聞言為之悵諸臣實鞠躬既復為之感

天眷信深崇敬讀

皇祖實錄語所載曾聞我

太宗時明四總兵來戰正值大霧彌零零敵施火礮樹
皆燬都統艾塔往視攻回奏敵礮止傷樹我兵曾無傷
矢弓匪今伊

昔蒙

帝佑觀揚

前烈勵予沖詎人力也

天帡幪大清寰海欽皇風

詣齋宮作

輕輿齋宿出都城更擬明晨步禱行

時望雨甚殷將以
翊晨自齋宮步行

詣
壇
展
禮不敢依常排法駕祈

恩減徹竭予誠

常雩舉十六年過

雩祭之禮以乾隆癸亥勅議舉行閱今已十六年矣每致祖宮

嘆若何歷歲詩屏一周讀霑膏逢少旱逢多

端居靜覺漏聲稀幾務雖疏更勑幾食變坐遷子所慎

恒暘愆雨我知非

雩祭禮成述事

問夜昭雲漢凌晨步石達祈

恩先責已利物匪求私夏節雖遲日

時尚未立夏常年雖有至夏至前後方露雨澤者然以去冬

無雪覺刻不可待矣春膏已過期何能諉憒見更覺

切焦思翹企

慈雲佈顥希

德雨施協時慚抱蜀矜惄寸心知

立夏

四月初十日

望雨過三春祝融司節肇卜日幸逢庚

是日庚申農謬庚日有雨久

旱雲亦好用杜甫語
是日微陰逾午復顛風饅饃訖與掃翼二權
特操豐隆聽何貌急矣需孔殷惡焉慚久禱

江天風雨歌題宋宣和畫

江天低黯雲脚垂雨意欲惶風鼓之霧靄銀竹忽立霆
溟濛那辨天之涯溪頭舟子招不得驢背破織安能支
客不怨雨怨風虐迫來淫潦夫何為北方三四月例旱
微雲總被風吹散南吹雨來人不欣北吹雨去人增懣
風乎風乎爾豈不徒勞何不分江國之殫雲為北地之

甘膏將一舉而兩得稱翼二之功高道君此圖意何託

徒觀濕潤彌空濶九成誇奪造化功

卷後有宋臣張九成跋語

天餅

漫從廟市獲

見卷後張照記語

幻榮辱亦幻風雲達觀真不值

一喙

故大學士黃廷桂靈柩至京親往賜奠

事繁食少赤星顏易簣諄諄餉務裁公謹卒官父子感
馬光還陝士民哀忍將巫祝先桃茢載共公卿醉玉罍
奪我良臣一何遽不教留聽凱歌迴

金廷標雨景

我曾山陰鏡中行雨絲風片時作止膩雲低傍馬頭生
常覺濛濛濕衣履衝烟邪許竹簾來為趁前溪漲新水
窮黎赴時有若斯何異胼胝力田耜歸來於今八閏春
民瘼艱難日心裏廷標無端寫成圖今昔熾然非彼此
誰云今昔非彼此昔雨多今雨艱矣愁多較可愁艱劇
况復昔過今正爾吁嗟昔過今正爾圖斯寧匪博我喜
豈知展轉惹予煩迫為東郊待舉趾

石孟子

移時想早動雲根器也而無斧鑿痕搘藥豈曾供月姊
支機雅似遺去聲天孫珍非漢代雙魚洗堅勝田家老瓦
盆受即是空空即受甘辛何物可中論

甘肅總督吳達善奏報得雨詩以誌事

甘肅乃極邊地瘠民屢空軍餉由轉輸去年况災逢蠲
賑雖沛施豈如錫歲豐今春復艱雨西顧心憂忡飛章
悉佳音河西及河東均得尺澤霑可以興耕農為之手

加額更慮力難從給牛貸籽粒母孤

天恩隆畿輔猶然旱日夜望彌顛既靡

神不宗

常雩朕既步禱後又命親藩於天神地祇太歲壇各致祭鮮荅計亦窮

蒙古人求雨石謂之雲拖雨不落無何罄散風二麥固
鮮荅輶耕錄已載之

失望大田待舉瓊焦勞日以加心恧難為容

上蒼本仁慈寧不哀予衷

通日

邇日常有油雲生雲生尚自風隨行雨意欲落不肯落

越教迫望愁怦怦亦知旱久艱解澤氣块稍殺聲氣漸
清為之兆矣庶幾霑問夜每至東方明

滇南有序

雲南巡撫劉藻奏好雨及時春耕不誤既因慰志
率爾口占

滇南奏書至雨賜時不違慰在萬里外愁繁千里畿

和闐賊遁詩以誌事并序

和闐為回部扼要重地所屬六城曰伊立齊哈拉

哈什玉龍哈什齊喇塔克克里雅而統名之曰和
闐先是將軍兆惠遣侍衛齊凌札布噶布舒及回
長鄂對伯克等往招歸順繼大軍被圍小和卓木
遣賊黨往攻和闐齊凌札布噶布舒等分守伊立
齊哈拉哈什玉龍哈什三城百計抵禦以待援師
其餘三城力不能支復叛降賊兆惠等解圍之後
即遣副都統巴圖濟爾哈爾瑚爾起等分兵馳救

望見賊營時值大霧彌漫我師乘勢奮勇直前衝

擊殲其渠魁阿布都海里克及和集雅斯二人鄂
斯滿被創竄去餘賊悉遁和闐得以解圍其三城
仍即撫定

傳檄曾聞定六城狂且怒臂致加兵力單三堡重

去聲反

覆

伊立齊哈拉哈什玉龍哈什被圍時齊喇塔克克里
雅城內降回度守禦單弱不能自存隨復叛從賊

計守十旬實勇誠產玉河邊遁敵騎採花沙上識王旌
古稱羊侃斯為盛何吝嘉勤爵賞行

博羅齊行

博羅齊者鄰和闐賊狃據險偵我軍先是圍解黑水困

元戎遣救擒二臣

去冬將軍兆惠兵逼葉爾奇木恃勇徑渡葉爾奇木河以衆寡不敵為賊

所因乃築柵黑水之地相持累月小和卓木乘間遣賊黨往圖和闐六城已失其三逮副將軍富德統兵應援與兆惠夾擊破賊圍解之後兆惠與諸將集議遣副都統瑚爾起及巴圖濟爾哈爾率偏師馳救和闐

一

為瑚爾起吉林舊族世受恩一巴圖濟爾哈爾乃厄魯

特宰桑其勇誠超羣同心協力速赴援率軍數不能盈

千途歷戈壁不毛之地負甲步進無俄延哈拉哈什已

垂陷齊凌札布馳來言夜急行至伊立齊時賊望風先

逃奔集兵拯哈拉哈什賴

天大霧彌漫乘霧直搗賊營後伺急奮勇攻中堅斬
將搴旗獲輜重孤城恢復餘俱安昔薛延陀禱神能致
雪冀困李勣終乃自敝焉此霧或亦敵鮑答西域習咒術者能禁
霜霧名為鮑答翻為我用成功全易云

天所助者順向猶未信今信然持盈知足感

帝佑敢肆志詡能開邊

陝西乾州民寧爾強八世同居詩以旌淑

陝民曰甯氏八世共敦龐田宅無分樹陳家有義龍易
疎族益近聚順俗彌氈衣豈聞常主耕惟守厥慈較張
纔少一擬邵已加雙是用旌閭錫淳風式萬邦

鄒一桂杏花雙燕

織出絳綃薄裁來玉剪明仙人製衣著稱體五銖輕
山東巡撫阿爾泰奏報得雨口占誌悶

山左甘膏寸溽三秀芒正益麥含含顧瞻畿輔殷需澤
慶慰無能抵愁慙

詠竹根鉢

千雲憶籜叢成器伴花宮翻以地辭故因之壽莫窮能
為雨霖霖曾漏月朦朧設遇燒香咒青蓮定茁中

題金廷標畫

農賈緇黃共一舟隨波何礙與為浮岸傍別有招呼者
似問儂當得渡不

薄暮行人急問舟天邊霞腳落波浮畫園首識邶風趣
筏喻因緣亦解不

報雨

畿南口北已微霑

通日古北口内外及京南大城文安等處得雨一二寸至三四寸據地方

續大吏陸奏聞祇有近京澤太庶雲弱勢如謀歛去風顛氣轉

釀涼添庶徵蒙聖奚辭咎虛望庚辛幾度占報雨人常期我慰詎知一慰一愁兼

細雨六韻

五月初二日

望雲已兩月細雨片時過欲霏澤中止剗欣愁轉多那資種坂黍纔足潤階莎欹枕安能寐巡檐且漫哦披涼

風又作問夜漏無訛惆悵天明矣依然嘆若何

王僧人拋毬

空色聖凡皆戲論圓毬拋出覓何從當前了識無賓主
底問元沙與雪峰

題金廷標畫

落千丈之飛瀑迸萬變之駭波倚怪松之硯硯臨絕澗
之巖峩我是巢許乎是夷齊乎乃能樂此巖阿耳目所食
色聲胥空相商一晌孰異孰同攜杖童子聊自得較量

付之之二翁

碾餠

大官月令碾餠呈自是林監

平聲灌溉成可識近畿麥全

失兼憂南畝菽需耕卒將璧禱莫聽我快以覩嘗豈近

情夙笑肉糜問飢者那能下嚥祇慚生

端午

龍舟歲歲奉

慈娛閔旱停陳意慊瞿養

志慚無能

樂志懸蒲愁更切瞻蒲生辰尚憶齊公子故事休稱楚大夫傍晚片時雷雨過那因增慰祗增吁

木根如意

意所夫何自如能又底因安名誠大幻成器具天真兀兀生機息昂藏古貌淳魏徵縱疏慢嫵媚乃宜人

題女史陳書畫箋

桃柳春江

桃襯輕霞柳翠烟書堂豁朗晴川欲知水暖春江趣
已有乘流放鴨船

溪山清遠

清遠溪山肖浙東箋頭皴法是王蒙不須搖拂涼生席
饒有吹來林下風

雷雨

五月八日初

雷雨半刻靈復止為時更促於前此氣機雖動需艱致
益覺彷徨弗寧晷解煩惟静静安能民真傷詎如傷視

空言無補實政籌八十萬粟截留矣

前勅截留南漕先抵天津米四十萬

石存貯武清北倉以備撥用繼因甘霖未霈兩次頒諭
先後各又截留二十萬石俾督漕諸臣酌撥畿南水次
州縣目前資以平糶將來可供緩急之需猶慮固干天和申命司寇其清
理屯膏吹毛或召災釋茲當如何返已

詠玉桃杯

洞徹光明瑩曾聞方朔探欲希玉井洗快意食芳甘

崑崙

山玉桃堅瑩須以玉井泉洗之乃可食見述異記

帶葉露華新承漿介祉春瓊瑤真得報精意想風人

五月十二日再詣

黑龍潭祈雨

自我禱

靈澤兩月忽已過雷雨近雖作片刻曾無何朝夕榮愁
愁六旬倏蹉跎敢辭

神厭瀆究我誠未加以此謹浴齋再徃祈

佑嘉歷歷廿里途較前益增嗟麥萎全失收黍隴種無
多即其少種中戢戢纔出芽更屬望澤殷赤地猶埋沙

芒種况又臨何辭屢延俄

百神受

天職育物功無訛予罪民何辜遷怒理則那崇朝願霈
恩銘賜實不磨

聞蟬

五月十
三日

五月新蜩第一聲吸風飲露出塵清無裨時用清何益
何不為鳩喚雨鳴

浮水石

石以沉為德水惟浮豈誣云何却轉換誰與運機樞上
下地天泰雲風龍虎需由來能制勝妙義揭陰符

詣玉泉山祈雨

踰月玉河未潮流幾番虔禱竟虛酬

三四月間曾數往求雨未應誠

微兼慮三斯瀆計乏母寧再與求秋麥春牟胥畫餅岸
高水落置杯舟靈源應有如祈應佇冀為霖福帝州

題王炳山水

桃塢新耕

雨過春山似沐新紅桃綠柳壓塍鱗問伊相肆農耕者
可是鈔鑼溪裏人

竹樓烟雨

山閣風來送雨絲溪烟靄靄接迷離詩情入梅道人畫
畫意出許員外詩

楓林晚坐

振衣傲晚坐屢屣童子壺筇落後遲此老一時如屬詠
恰應絕壁過雲時

板橋風雪

萬磴冰鏤盤棧道兩峯玉削鎖巖關塞驢問彼衝寒者
多少詩情得此間

五月望日

芒種過三日希恩日益殷氣偏蒸熾暑風善妬生雲細
霑又成幻未耕那望耘艱哉嗟我庶恧矣腆為君責已
敢餘力叩神如不聞觸懷無一可擲筆更何云

社稷壇祈雨進宮齋戒之作

常雩曾步禱休未格

難堪逡巡又踰月蘊隆勢更侵

羣祀靡不宗微雨弗成霖芒種倏已過夏至將屆臨今
歲劇常歲緣待佈秧針為期愈切迫

右壇躬致忱預日返法宮齋戒省身心思過不勝思言
欽恐未欽郊畿多赤地益予愁懷深踧跼立南榮晚守

生浮陰

雷雨

五月十
九日

昨日細雨今朝雷西山傍晚雲陣來空羅片刻勢若催
露立延望難為懷人有常情我亦皆患失甚於患得哉
須臾雲脚天邊開落莫失望空徘徊吁嗟此愁誰我哀

社稷壇禱雨

敢云久矣愁予心躬禱

靈壇重去致忱加玉義緣祈芘蔭

社稷壇春秋常祀本用玉相沿禱祀乃不

用夫玉以芘蔭嘉穀使無水旱之災傳記所稱於義最著特勅所司仍用玉將事

升香敬用佞性

因情迫勢急請命

明神屏

居歆祝辭請命出衷曲

詞臣撰擬之文直抒衷曲告虔

申祝以祈皇樂調和冀答陰五日為期難更緩油雲即
鑒佑

待霈甘霖

北郊齋戒進宮

以我迫愁旱

慈懷亦不紓

右壇祈霖罷返蹕咨

興居遲日北至臨

大祀躬承諸預期致虔齋復此歸形廬細雨雖略霑

廿五

雨日微需渥何有乎憶昔承

恩命代祭數歲餘

雍正九年以後

北郊大祀

每承

思昔

命代拈香迴切今愁

命恭代然無歲不禱雨

雨壇亦

憂詎今憂萃予計窮乃反本嗟哉懷始初

雷雨

五月二十六日

殷雷忽作雨其來狂風隨至雲吹開孟婆爾技何巧捷
山海經帝之女游於江中出入必以風雨自隨以帝女故曰孟婆然異為風又為長女孟即長而婆即女自本經文何必遠豐隆無權事不諧亟盼幸逢復失望如與引詭異哉

人已取諸懷無過展轉增愁耳嗟我三農何以為生哉

夏至日

北郊禮成述事

仲尼欽與祭敢以熟為言不莫祈

方社為霖願

澤門陰生冀滋潤風息解囂煩百辟同精禱其寧曷

惠恩

古北口得雨

廿五廿六皆微雨片時飄灑隨散風露立蒿目繼以嘆
北望徒羨雲勢濃今朝提督奏章至兩日尺澤欣優逢
高田可種低可長巖關頓爾解蘊隆旋顧閭左仍滌滌
咄嗟慚惕頻書空或見愁劇強來慰古北寧非畿輔中
氣機作矣將漸至何須過甚增憂忡吁哉此吾豈不曉
寰宇吾身抱瘞痼萬民樂只猶未愜匹夫失所責在躬
自信廿四年如一尚然水旱常遭凶設稍滿假忽民瘼
民困誰救真途窮山陝甘涼聃佳信四首皆望雨江浙川楚

休言豐

四首今春晴雨應時二麥豐收

詎以稔遠而慰近近災乃屢遠

莫忘叶

不知後樂何滋味惟有先憂無始終

題高克恭山村圖

尚書醉筆寫雲山雲氣模糊山疊鬟安得癡龍乘此勢

崇朝作雨遍人間

鷁鷀

鷁鷀鷁鷀驚皆水禽得魚則飽失魚餒水深魚潛不易致
葦叢逐逐空伺急一大旱陂池涸其淵吁嗟鱗族見在解

田大鱗強項立待斃小鱗枯與焦泥連_二_解癡龍抱珠眠

未醒興雲作雨如弗首剥床以膚切近災自戕爾類詎

甘肯

_三鷄麌鶴鷺意乃欣舒頸擗翼呼其羣夥聚沮洳

任所取擇肥啗大無逃鱗_四乘他之危幸他急不援手

救又下石仁者弗為義者怒誰能徒作狎鷗客_五技哉

羽林射生手銃义矰繳無不有螳螂捕蟬古所云惡鳥

何妨任亟取

_六解

鳥驚人去翔天末魚守微波煦沫活歐

強救弱小差排終賴甘霖蘇萬物_七於鳥行義於魚仁

實鮮所傷多所存竭澤亦豈龍所願吾之罪耳空絮言
解八

將舉

大雩之祭進宮齋戒

廿日三進宮憂勞僅民瘼

叶

方社及

方澤懇禱應去聲未符計窮力已竭敢虔舉

大雩徹懸屏絲竹減膳用菜蔬思過冀迴

天返躬惟責吾紫禁夏日長傍徨靡所如

雲

久旱雲亦佳幸此合膚寸墨蜿庶可徵巡柱瞻礎潤時
陰時復朗沛澤其尚靳語不知所云步不知所進佇立
以吁嘻斯之未能信

躬舉

大雩祈雨

北至都踰早種期晚田亟待澤斯時人窮反本呼

天籟旱甚因誰責已知湯禱載陳三足鼎宣憂重訂八

章詩

壬戌議舉

常雩

大雩之禮時

曾製雲漢

歲旱甚乃舉

今

列升詠此詩又協候移易數語

大雩元衣八

好生

帝德其寧惠渴望雲行即雨施

雨八首

六月十
二日

南郊禱雨御園迴卓午雲生晚復開踧躇中庭心罔措
少澄識為萬民哀

夕靄英英不見月庭柯習習祇愁風乍眠乍醒詢達曙

却幸天衣密布空

雲零欲灑勢猶堅旱久情知旋轉艱已過午臨方沛作
望中未敢即開顏

時疎時密乃終日倒峽傾盆忽半宵肯遽向人問分寸
祇希洪澍再連朝

慈恩早遣侍臣來

慰諭今番渥雨哉慚愧不勝遑悅豫所欣稍解

懿憂纔

京尹騰章報得雨因之遐憶到畿南勸耕借籽飭方伯

曾否均霑漫飾談

時屆小暑大田宜趁雨亟耕傳諭督
臣方觀承飭屬巡行敦勸其貧無籽
種者出官倉貸之並命確勘所在得雨情形馳
奏未敢以京師彌望同雲雨勢甚廣自解也

嘉霖油雲未肯休多多益善尚餘愁勅幾勤政延咨罷

耐可空濛一泛舟

虔懇陳愆自製詞果然

帝德好生施廷臣漫道吾誠格知感在斯過在斯

墨爾根巴圖魯瑪瑋研陣歌

乙亥以來有事戎賴我衆力成膚功重賞之下多勇士
見丙子集中

捨身圖報羣輸忠舒布圖鎧實巨擘三巴圖魯繼厥踪

皆首出搴旗斬將誰爭鋒鐵騎憑陵諸鄂拓

準夷部肅落名

清伊犁揚英風今春我軍急進援富德率軍如罷熊羆

瑞命領塗路首

蒙古語先鋒探信者

呼爾瑞處賊迎攻堂堂之陣

賊辟易瑞乃獨進躡寇窮金鞭連策大宛馬繡蝥不用
用雕弓一箭正中賊要害再箭倉卒乃落空三箭終殪

賊墮馬忽忘深入賊隊中蜂屯蟻雜齊擁簇瑞之馬斃倒沙蓬捨馬步戰短兵接叱咤凌厲氣如虹我軍隨進瑞乃出檢傷十處中去其躬以帛裹傷明復戰義膽自有神帡幪花門降胡咋舌歎如此超勇聞何從將軍一據實奏不竒其勇憐其衷設非立志忠且壯安能効命功名崇馳驛令歸不可再嫖姚賜第今堪同席前備陳隕涕聽厚賚覺未酬勲庸仍歸禁旅領宿衛命為護軍統領若無曩勳撫謙沖古來歸奏未央殿却聞天子不召見

宋繡老子騎牛圖

牛背自婆娑蒼華壓額蟠根孕仙李文繅出宣和應
自禹餘下不然函谷過誠知道可道半萬已為多

長耳脩眉老印頭潤步青胡為別玉闕想罷作黃庭顏
駐萬年少光凝九氣靈箇翁素善隱世上且留形

詠藏經紙扇

雲中龍爪隱蜿蜒搖動如聞妙諦宣裁就月形本金粟
演成海義出青蓮可知三藏十二部不作語言文字詮

常有清涼風滿袖欲謳調御是何緣

郭畀雨梧烟柳

烟雨冥濛裏柳梧分不真郭畀及倪瓈合是自傳神圖中

有倪瓈題詩

清苑

清苑纔稱三寸滋津門尺澤利耘耔一為額慶一為望
望覺憂懸慶鮮怡

復雨

六月十日

詎是

天恩特更希尚殷優渥望依依昨宵飄灑慮虛過今曉
滂沱愜暢霏憂者喜而病者愈滿斯損矣是斯非終然
無可寬心處益勵兢兢慎勅幾

江山小景歌題王炳仿李唐畫

杜甫七字真清新不薄今人愛古人於詩既然畫宜異
江山景命摹其神求師當於古人好進斯更當師大造
畫禪室裏秘笈貽昌審定神品此卷為董其炳也試一研精討位置

江山已合宜江烟山樹紛呈奇離鈎三寸不可說會之
當於弗即離松下藉草伊誰氏以手招呼那肯起驪連
曩事如可聞我亦因之下風矣

御製詩二集卷八十六

總校官庶吉士臣侍朝

校對官中書臣馮培

謄錄監生臣張耀臺